



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 212. De bonis traditis in villa Hadunueni in pago Hessi Franconico.

urn:nbn:de:hbz:466:1-36114

Ab anno
854vique
877 re-
gnante
Hludo-
uico et

§. 212.

Tradidit frekin et heriman in *hadunueni* (D) quidquid ibi habuerunt testes gericfried gheruuard brun hrodald et alii IIII.

Wala Cleiuy §. 213.

Tradidit uualadericus in loco qui dicitur *bodriki* (E) quidquid habuit nec non in aliis locis ut inter omnia sint familiae XII cum *territorijs adiacentibus* testes *raynmannus comes* rainfrid garuuuard albert et alii quinque.

§. 214.

Tradidit helmric pro se et fratribus suis brunheri et athelheri quidquid habuerunt in *rotto* quod uocatur *gherdegheshusi* quod est in *aringbo marcum* (F) testes eylbertus meinuere hrodger uuulfhardus et alii sex.

§. 215.

Luthardessen ene Herfcap seu dynastia, quam olim in feudo tenere nobiles domini de Homborch. Tandem vero, scilicet anno 1409, dedit princeps Corbeiensis Theodoricus consentiente capitulo Corbeiensis eandem dynastiam in feudum serenissimis Brunswicensium ac Lunenburgensium ducibus Bernhardo eiusque filio Ottoni. Sed vdenam, quæ in villa *Luthardibus* sita, in manus peruenerunt dominorum e stirpe Widekindæ? Respondemus, apparere illud ex eis, quæ ante diximus. Vidimus enim iam supra, Widekindum Magnum possedisse bona quædam in regione oppidi Bodenfelde ad Wiseram atque vrbis Einbeck. Probabilissimum ergo est, ad hæc Widekindæ bona quoque spectasse villam *Luthardibus*. Conf. infra §. 361. not. (e).

De villa
Hadun-
ueni.

(D) Sequitur villam Luthardeshus in Registro nostro villa *Haddunueni in pago Hessi*. Hæc *Huddingen* esse videtur intra præfecturam Wildungen posita in principatu Waldeccensi. Intelligitur autem, sine dubio vlllo subesse *pagum Hessi Franco-nicum*, cuius situm ad fluuium Adranam, hodie dictum die Eder, iam supra §. 33. not. (v) indicauimus. An *Frekin* et *Heriman* ad familiam Widekindæ spectarint, id quidem in medio relinquimus. Siquis nepotes Widekindi M. et filii Herimanni eos fuisse, senserit, nos non habebit repugnantes.

De villa
Bodriki.

(E) *Bodriki* villa erat, Registro nostro teste, in *pago Westfalon*, de quo iam supra egimus §. 178. Indicatur vicus *Büderich* in archiepiscopatus Colonienfis ducatu Westfaliæ situs intra præfecturam Werl. Sæpissime mentionem faciunt nostra diplomata eiusdem villæ. Nominantur bona Corbeiensia, ad villam Bodriki & intra eam sita, *der Mönichhof*, olim a præfectis administrata, hinc etiam dicta officium, *sin Ambeckt*, quod anno 1313. tempore Engelberti comitis de Marka ad ditionem comitatus Markani videtur relatum, postea vero in feudum datum ab ecclesia Corbeiensis modo dominis de Boderke, modo dominis de Houele, modo dominis de Schelen, modo dominis de Schaphufen, et modo dominis de Widenbrueke. An *Reynmannus comes*, qui inter testes apparet, seculo IX comitatum suum habuerit in pago Westfalon, et an *Waladericus* inter progenitores comitum Marcanorum referendus sit, id in medio quidem relinquimus; intermittere autem non possumus, quin dicamus, fabulosa esse, quæ historici de origine comitum Marcanorum circumferunt, adfirmantes, eos ex Italia ab Vrsinis profluxisse, quasi nobilitati Germanicæ dedecori esset origo Teutonica, cum tamen teste Antonio Campano, Italo, *nulla sit familia in Gallis, ne regia quidem excepta, nulla in Hispania aut in Italia paulo illustrior, quæ si antiquitatem repetat, suam non statim e Germania esse prædicet, et veluti e seminario quodam vera nobilitatis venisse gloriatur*. Sic nobilitatem quærimus, quam habemus, et quam habemus, possidere nolumus: sed ita quærimus, vt eam assecuti, ex nobilissimis videamur ignobilissimi, sinceram Germaniæ originem prætereuntes.

De mar-
cu et pa-
go Arin-
gho.

(F) Cardo rei hic vertitur in *Aringbo marcu*. Abesse ergo parum potest, quin ostendamus, quænam in regione marcus ille obuius fuerit. Marcum significare terminum,